



# CLARISSIMO CONSVLTISSIMOQVE

MEDICINÆ DOCTORI D. DOMINO IOANNI DV-PVY, REGIS

Christianissimi, & Illustrissimi Niuernensium Ducis Medico ordinario longè expertissimo,

CAROLVS LE DOVESNE *Atheniensis.*

**R**OMÆ olim, Vir Clarissime, opinio obtinuit, regna, atque imperia à fortuna quæ maximè in rebus humanis dominari videtur, dono dari ut scribit author bonus. Sed mox addit, raud cuiquam res ab illa quasi per ludum & iocum dadas diu incorruptas permansisse. Maximè verò delectauit me Appij Claudij sententia afferentis, Quemque fortunæ suæ fabrum esse. Quæ sententia, in te (Vir Consultissime) vel maximè locum habet qui te eximia vi ingenij, doctrinâ, labore & industriâ Regibus, Principibus & summis viris probasti. Qui magno studio & insigni pulcherrimarum rerum notitia, ad eam qua apud Principes vales gratiam profuxisti. Accedit quòd & dicendi facultate, & lepore, quòd morum suauitate, quòd gratiâ omnium tibi gratiam conciliasti. Eæ res mihi, ad Medicinæ lauream aspiranti velut calcar addiderunt, ut me in certamen illud intrem, non satû fortè ab omnibus quæ oportet, instructum, tuo ductu, & auspicio, offerrem. Animum porro auxerunt, Vir Ornatisime, præclara tua insignia, sidera & rose, quibus ego erectus in eam spem perueni fore ut post plurium annorum laborem & molestiam per acuta spinarum acumina, ad speratæ laudis rosas, ad clara (quæ mihi auspiciû faciunt) stemmatu tui sidera pertingerem. Quidquid sit, quidquid euenturum erit, Mæcenas optime, tui nominis auspiciu certamen hoc ingressurus, tuo nomini, tuæ fortunæ, tuæ gratiæ, tuos rosas ac sideribus res susceptæ euentum, victoriâque ac laurum, si qua dabitur, debe-  
re me palam apud omnes profitebor.

# QVÆSTIO MEDICA.

Quodlibetariis disputationibus agitata in Anthonianis Medicorum Remensium Scholis, die 1.  
Decembris, Præside Clarissimo viro D. PETRO LE COMPER Doctore Medico,  
& Professore Anthoniano, hora octaua matutina.

*An in febribus coniectura certior ab urina quam à pulsu.*

54.

**M**ORBORVM qui in intimo corporis recessu conditi sunt, nec oculis obuii, nec vlllo sensu manifesti, perdifficilis est cognitio: arduum enim cerebri affectiones cranij vallo circumseptas, cerebri anfractuosis gyris implicitas, denique in ventriculos altius immerfas explicari: aut in pulmonum canaliculis delitescentes rimari, aut in visceribus laticantes detegere, aut confusas implicitasque dilucide explicare, operosum sanè, maximè verò iis qui symiotice lumine destituuntur, illius si-  
quidem notis tanquam rerum indicis mensurè à ratione deducitur, & in intima penetrans quæcumque magna obscuritate inuoluuntur, sic detegit, vt ea oculis  
cernere videatur. Est autem *equiuocum* vt vox ipsa sonat nihil aliud quam doctrina signorum: Signum verò ex Galeni decreto definitur id quo cognito aliud quod  
ignotum nobis erat detegitur, ignotum illud corporis est constitutio quæ triplex, sana, ægra, neutra, eadem ratione signa salubria, insalubria & neutra. Rursus dia-  
gnostica, prognostica, & anamnistica. Insalubria diagnostica (vt cætera omittamus) triplicia, vel enim causam morbi, vel morbum, vel affectam partem decla-  
rant. Partis affectæ indicia sunt actio laesa, excrementa, situs, doloris proprietates, & propria accidentia, inter quæ maximæ significationis sunt excrementa non modò  
ad affectam partem, imò etiam ad affectum ipsum dignoscendum. Sic de cerebri constitutione lachrymæ, aurium excrementa & mucus certò renuntiant, de  
pulmonum vitiosis sputum, de primæ regionis affectibus fæces, de habitu corporis sudores, denique de humorum qui venis concluduntur, in quibus febres ferociss  
exultant, immoderatione vrinæ.

**F**ebres commune totius corporis malum definitur calor præter naturam à corde in omne corpus effusus à nativo nulla essentiali, sed accidentali solum dif-  
ferentia discrepans, calor enim mediocritatis limitibus coercitus, si assiduo incremento de temperie & mediocritate decedat, & plus nimid exuperet qui  
naturalis fuerat sensum non naturalis euadit, vitiosus proinde & naturæ iam insensus. Februm differentiarum multiplices pro subiecti ratione in spiritibus  
ephemera, in humoribus putrida, in partibus solidis hectica. Rursus putrida, vel continua, vel intermittens vtrique ex humorum diuersitate distincta. Cōtinuarum  
fomes venis maioribus, intermittentium visceribus concluditur: harum signa diagnostica frigus, horror, rigor accessions initio, in declinatione sudor, à declina-  
tione, intermissio, illarum verò calor repente accedens nullo rigore, horrore aut frigore prægresso, aut si quando ista contingant noxij humoris non parum circa præ-  
cordia inhaerescit, qui rigore concutit dum totus calor sit accensus. Ultra viginti quatuor horas exporrigitur, nec vlllo sudore remittitur, eò vique durans dum totus  
conquiescat, pulsus inæqualis, vrinæ denique turbidæ, flammæque, quæ cum humorum portio quædam sunt, aut saltem ex iis defecet reliquæ quæ illorum sit con-  
stitutio certius quam pulsus referunt.

**U**RINA *ex quo, vnde* Hippocrati dicitur ortum habet à potu vel liquore quocumque qui in ventriculum demissus cibis solidioribus permiscetur, eorundem elixa-  
tionem promouet, elixatos demum deducit in intestina, & per tenues menterij ductus deuehit ad iecur, vbi suo illo vehendi munere perfunctus partim rapitur  
ad renes, partim verò vna cum sanguine in veniam causâ delabitur, vt in exiliore venas & singulas corporis partes sanguis crassior facilius deducatur, inde vel in su-  
dores absumitur, vel in causam remeans à renibus attrahitur, & per vteretres in vesicam demittitur, vnde vrgente necessitate per uretram foras exilit oculis sub-  
iicitur, secundæ coctionis cuius excrementum est fidelissima nota, cacochymiz & plethoræ certissimum indicium, coctionis & cruditatis humoris morbifici indi-  
bitarum argumentum, iecoris, renum, & vesicæ affectionum signum non poenitendum, febrium verò omnium *maxima*, copiosa siquidem vrina colliquans feb-  
bris, parior, exurentis, fetida putridæ, alba & tenuis quotidianæ, pinguis hecticæ, confusa & fetida malignæ indicium est. Febris enim omnibus quoniam ve-  
noli generis affectiones sunt, ad vrinæ præcipuè attendere oportet, imò in febribus acutis earû tanta vis est, vt ipsi solis credendum esse Medicinæ processe assuerent.

**V**ILUS est actio cordis & arteriarum diastole & systole constans, ad spirituum reparationem, caloris contemperationem, & fuliginum expulsionem, illius  
differentiarum multiplices, quædam exilitatis suæ tenebris ita inuoluuntur, vt exactissimè licet sensum effugiant, quædà verò perfacili rhythmici permutatio-  
nis acutissimam iudicij aciem obtundant. Non immerito igitur ad pulsuum absolutam cognitionem requiri totam vitam auctor est  
Medicinæ lumen Galenus, ipsamque pulsuum dignoscendorum artem egregie naus indutrisque non voluptuariis exigere, cuius rei veritas in febribus maxi-  
mè elucescit in quibus tanta est pulsuum varietas, vt ipse Galenus qui hanc Medicinæ partem ab Hippocrate neglectam mirum quantum illustrauit, quibuldam  
sibi constare non videatur, eò quod nunc hos nunc illos putridis febribus adscripserit: Itamen in hac tanta varietate tantique difficultatum tenebris, si quod lu-  
men febrium cognitioni adferre possunt, illud maximè à magnitudine, vehementia, frequentia, celeritate mutantur: verum & hæc pulsû insigniores differentie  
à causis tum internis, tum externis ita mutantur, vt omnis iudicandi ratio deficiat, etenim magnitudo duritiæ arteriæ, habitu pingui, frigore ambientis interpellat-  
ur, vehementiam arteriæ durities ementitur, frequentia & celeritas in vitium oppresse etiam sine febri obseruantur, sic quotidianæ corporis arteriarumque  
constitutiones pulsus immutant & necessitatis significationes obscurant.

**P**ULSIBVS tamen sua etiam inest dignitas, vt & vrinis sua leuitas, quid enim admirabilius quam pulsuum beneficio quæ futura sunt prædicere? quid diuinius  
quam mortem vel salutem nedum mortis horam præuidere? quid denique Medico vtilius prælagendi arte esse possit, nam futura prædicendo id consequitur, vt  
ægrî maiorem ei fidem adhibeant, & iussus constantissimè pareant quòd suas affectiones ipsi perceptas esse videant. Præterea cum ad salutem deducit omnes ægrî  
nequeant, prædictio morturi Medicum à calumnia vindicat, vt non immerito illud dixisse visus sit Galenus, prælagia mortis crimine Medicum vindicare, ægròs  
quæ Medico obsequentes reddere. At verò futilem & profusum inanem eorum doctrinam quis non despiciat qui vel captandæ gloriæ desiderio, vel insatiabili ha-  
bendi cupiditate ducti tanquam arioli multa de absente ægroto ex sola vrinæ inspectione augurantur: multiplici verborum circuitu hominum mentes irriterentes,  
Incertam sanè & plerumque dubiam mercedem referet qui perelitatione Medico tanquam vates augurari coget, consultor verò prudens & fidelis sani consi-  
lij fructum percipiet.

*Ergo in febribus coniectura certior ab urina quam à pulsu.*

Has Medicinæ assertiones (Deo dante) tuebitur Carolus le Douëfne Abrincensis,  
Baccalaureus Medicus, Anno Domini 1622.

## DOMINI DOCTORES DISPUTATURI.

M. Simon Heruetus, Professor Anthonianus.  
M. Nicolaus Abrahamus Frambesarius Regis  
Regiarumque Turmarum Medicus.

M. Ioannes Coterius.  
M. Ioannes Blanchebarbe.  
M. Claudius Gillatus.

M. Andreas Oudet Decanus.  
M. Ioannes Richeletius.  
M. Nicolaus Rainfant.